



謙之於半谷其亦有足慨者耶念曠別去不能已

於言遂書之

以為廣南豐謝鳴謙

書

書

自科舉之學盛揣摩帖括憊精磨神以希覩乎所
不可必有至於窮老顛踣終莫能得者偶而得之
能者以鞅掌為賢勞不肖者以利祿為得計形疲
於升沉榮辱之塗而心累於妻孥田宅伏樂豢養
之奉其於學問之事益有所不暇及一旦奄然以
盡固與草木同腐終不自悔雖悔之亦何及矣吾
友鄒君豫章自少為名諸生窮居力學讀書日數
寸胷中所得一寓於詩古文詞醞釀深厚多可傳
者其可謂審所務也已間考前世文章之士如韓
柳以下諸公皆早達方其窮困雖以退之之賢不
免奔走衣食號呼乞援於人蘇明允道逢貴人騎
從傳呵卻立風雪中俟其過乃敢上馬徐去盡然
自傷後之論者遂謂科名祿位天所以致厚於斯
人使得專意肆力於學問而無奪於他務不知自
唐以來千餘年致位通顯如數子比不可勝數其
得與於文章之事者有幾而是數子者當其羈窮
憔悴其詩文卓絕固已名當時傳後世是果有待
而然耶以豫章之才慨然興起於廢墜之餘而思

有以復乎古韓子云能者非他能自樹立不因循者是也觀君之所務可以得豫章之人可以得豫章之人之文矣乾隆癸酉長至日華玉溥書

鄒君豫章治其古文彙八卷古今體詩六卷屬為論定都為一集洛與豫章生同里長同學相好也又同喜為古文詞相好加焉然皆困蹟於諸生籍中三十餘年每有所述造則訾者半竊笑者半洛悔而思止焉豫章顧為之不已若必欲竭其才之所至追古人而從之者洛畏其用心之精而力之果以確也夫學者立言期於可傳然古來種學績

文者何限求其無所憑藉而傳者蓋什一之於千百焉昔揚子雲祿位容貌不能動人故輕其書吾意子雲苟槁死西蜀不遊京師王音不荐雄待詔則其所著太元法言後人且不知可以覆瓿韓昌黎與崔立之書欲作唐之一經垂於無窮乃三試不售有激而談苟昌黎官不至吏部則集中所載宏篇鉅製未必皆出其手即作唐一經不知其果傳於後世焉否也今豫章既舉於鄉曩日之訾且笑者又咸以為能而可間執其口抑更有進者古之大賢君子其敷奏於王庭也類必本其中之

所有西漢以還若董子之策賈生之疏其言可以轉移一世之人心風俗而為史傳之所採著後人之所楷模豫章因已至而勉其所未至則他日之鋪張揚厲潤色鴻業者必更有在所謂時有兼得者洛於豫章不能無厚望焉乾隆壬午十月一日諸洛書

駿少時與華君師道以詩相劇切師道亟稱鄒君豫章詩遂介師道交於豫章師道詩謹於規矩而冲融澹宕無艱難勞苦之迹豫章則精銳獨出上薄風騷訖唐開元元和之際窮摻默契不懈而及

於古三人者每一聚首輒出其詩相與論定已相繼客游豫章走京師涉西江與駿踪跡相先後師道旅食淮陽最久十餘年間不四三過言念曩昔倡和荒江寂寞之濱邈不可即往往顧影太息迄今師道之沒已五六年而豫章及駿亦駸駸老矣頃豫章手訂大雅堂初臺刻既竣駿受而讀之凡所交之人強半駿得交焉所歷之地駿之跡亦及焉弔古懷人撫時感遇兩人實共之特詩遠不逮豫章耳使得起師道而一為論定其欣賞當更何如也豫章嘗語駿他日幸共訂師道詩願豫章之

終成之也乾隆壬午十二月朔日朱雲駿撰

大雅堂初稟序

大雅堂初稟序

七

讀大雅堂詩

華玉淳

作詩本天真心清得要妙根祇自六籍逢源貴深
造我初識鄒子卓犖正年少不與塵俗親筆力遂
遠到高齋富圖史研論窮閭輿兼有樹石幽晨夕
展清眺韞含發光潤歷碌吐英耀如蓮出淥波初
日朗相照如鶴鳴九臯風清自高蹈朱絃本䟽越
不數箏篴調近者西江遊探奇逐幽好秀絕匡廬
峯周覽際四隩定知曠士懷一一入詩料詰朝期
過從囊篋恣開倒

又

鮑汀

讀大雅堂詩

一

蛙鳴蟬噪總啾嘈兒輩從教禿腐毫獨鶴一聲雲
外杳四山秋淨碧天高
匡廬蠟屐白門舟千里江山足勝遊多少紅箋題
不盡楚雲湘月為君留

大雅堂初彙目錄

卷一

古今體詩五十六首

卷二

古今體詩七十八首

卷三

古今體詩六十二首

卷四

古今體詩六十二首

卷五


古今體詩八十三首

古今體詩八十三首

卷六

古今體詩五十三首

大雅堂初彙目錄



大雅堂初稟卷一

辛未

勾吳鄒方鐸



古風

葵莖非不甘
蓼虫不願食
陵苕非不茂
黃鵠不願息
志士永幽棲
超然縱羈勒
息影抱空岩
馳神酣八極
遇物罕所諧
結契緣冥寂
千載雲溪翁
澹蕩寄高跡
吾亦餐霞人
稅駕從所欲

叶

秋水澹空碧
芙蕖弄清妍
羨人臨芳洲
容色相新鮮
褰裳采盈把
循流屢洄沿
采之欲遺誰
顧影空

沈澗

大雅堂初稟卷一

一

我昔遊齊魯
仰觀太山高
太山高不極
蒼蒼凌青霄
攬衣攝其巔
逍遙憩行儵
雲氣隨升降
岩石鬱嵒堯
天風迴太空
蕩胸散煩囂
舉手捫星辰
天路詎云遙
俯瞰八荒內
憫彼塵世勞

夜坐忽不愜
起行步前墀
疎桐織月上
清景交柯枝
歎息幽居子
寂莫守空帷
願假雙飛劍
遠跨千里騅
叩闕請長纓
投筆起蒿萊
不然弄雲月
揮手尋安期

在昔漢鄼侯
儉德良足風
千載有二疏
達識將毋

同柰何後世人谿壑不可充大運通興沒繁華會
有終君看金谷園何如陌上蓬

拔劍登高臺把酒聊躑躅曠然蕩心胸千里屬遠
目天風浩浩來迴颺薄林木竦然一葉下飛墮秋
水曲浮沉無已時逝波日夜馳撫此良感懷命駕
將安之

吾愛富春翁披裘信行藏吾慕陶元亮拂衣返柴
桑君子貴識義舒卷運無方功名豈不貴心亦有
所將先生竟千古奕世誰比頡

皎若白玉盤清如清露溥孤懷諒不訾靜嘯抱空
巒世路炫雕飾衆目競取憐馳思竦輕轡沉憂結
纏綿山水還自冠膏火還自然抗節良未易養真
誠獨難渺渺靈溪駕清風激濁瀾

隣寺老梅一株幾百年物矣花時絕盛感而
有作

問梅之生幾甲子枝柯窅兀乃如此森同竒鬼怒
瞰人或疑蛟螭纏石虬龍走叶春來著花花滿枝
風迴花落迎風起花落花開閱幾人眼中之人如
流水

黃埠墩

中流一柱來何處裂破芙蓉兩道迴樹裏雲帆相對出輕舟面面入樓臺

平江八百平如掌漠漠清陰兩岬苔窳兀孤亭撐水出九龍啣下一珠來

寶劍歌贈邵生伯和

寶劍出匣龍文翔白日慘澹瑩精光掉如芙蓉沉
沉秋水落爛如列宿皎皎中天張水斲蛟犀陸搏
兕按之無下運無旁若邪之溪深莫測赤堇之山
千仞立山川盤礴精芒寒胎育元氣吐金錫雨師
洒掃清路衢歐冶奏技凝神思鼎爐熾炭融存液
揮斥龍虎旁夾持靈物之來良不偶函以玉石鬼
神守盈河珠貝苦不讐駿馬名都復何有安知鳳
凰德貴其來見希霜刃十年不肯試及時一映風
雷馳

寄清源弟京師

廿載雙栖翼分飛一朝隻思君不能已含情泪霑
臆豈無瓊樹枝鬱鬱春風吹念此遠離別不如故

園栖

出門無與懽入門無與言春色交芳徑顧影悽自
憐夙昔展研席安知惜日月各在天一涯思心不

可竭

村溪晚望

細雨斜飛縵縵風
麥花雪白小桃紅
野橋流水平添尺
幾處輕帆暮靄中

竹

田舍清溪曲叢篁映碧湍
風搖踈影秀露滴曉光
寒恨不栽千畝何須斬
萬竿空堂春晝靜披豁共君歡

採芝歌

芒碭真人天所授
斬蛇崛起龍虎鬪
子房幕下畫

大雅堂初稟卷一

四

策良蕭相闕中轉軍糧
二三豪俊乘時起奔走風雲
輪輻湊嗟爾四皓商山峯
寂寂采芝槃澗中當日不聞濟時略
後世但仰定策功一言回斡要天意
謂四皓功吾不與不然漢祖英略雄千古
彼四人者安足數或云高鳥盡良弓藏
韓彭踴躍趣鼎俎旁經綸泉石隨舒卷
弋者何慕鴻高翔君不見赤松亦是采芝侶
勲名百代迺如許

聞楊靜涵歸賦此展待

故人悲不見寥落已三年
聞道歸期近翻多別緒牽
鄉關春樹外書劍暮江邊
未改踈狂態西窓看

醉眠

夏夜邵夏杓華南陽家儀九見訪

仲夏貞朱光火雲匝嶺嶠揮汗如散珠我心正煩
懊已喜夜涼生明月澹虛照復有同懷子俯仰任
舒嘯倚樹發微吟清談得超妙幽懷忽破散兀醉
展吟眺靜嘯孤雲生四山方清峭

寄懷清源

送君如昨日物候已驚商江岼波濤闊燕山道路
長斷雲頻北去孤雁獨南翔多少殘生事澆愁累
引觴

大雅堂初臺卷一

五

鳴和弟遠歸有贈

忽漫三年別歸來鬢已霜歡娛悲少壯契闊話存
亡雞肋何須戀萼羹亦自芳故園堪把袂籬菊正
垂黃

遣懷

陰森樹石遶南樓一榻橫窗曙谷幽題柱未應容
朽拙著書聊自慰窮愁白雲明月閒收拾小閣匡
床寄夢遊高枕莫嫌成懶病飄飄真似一沙鷗

西庄小隱圖

白雲停復流翠嵐潤如洗結廬阻塵境開戶當曲

汜曠然清且幽伊人方卧起徙倚蒼石間高懷澹
如水

遣興

拙訥安知世上名一菴聊復息征營青山缺處留
雲補綠葉陰成覆檻平詩意只從閒裏覓茶烟常
向晚來清敞廬猶有儵然處潦草何妨託此生

秋懷

秋色江城總斷蕪不堪老阮泣窮途生涯真已憐
枯樹心事頻看扣缺壺

題畫女劍僊

得毋越溪女不然聶隱孃手提青龍劍四顧雲茫
茫劍氣衝斗干雲上及鋒用之惟所嚮惜哉神物
空在掌世間幾許恨未平君來胡為去何逞

書元遺山先生集後

國事何人更細論不須九死羨餘生刁騷華髮湘
纍恨落日銅駝草蔓橫

誤殺春官識姓名廿年長路轉浮萍功名自笑看
清鏡羸得詩人太瘦生

才調真堪第一流新詩千首壓中州鴛鴦原把金
針繡度了金針却悟不

慘澹乾坤入戰塵圖書故府感飄零篋中剩有南
冠錄掩泪空山野史亭

文章正色自芒寒派別從君仔細看肯向蘇黃拾
餘唾故應李杜並登壇

手把遺編泛綠醪
牕前風雨正蕭騷縱橫莫負凌
雲筆會有吳儂得錦袍

贈王啓丹即次啓丹寄杏程韻

藜床燈火晚煙叢搔首襟期處處同為白天公問
前事古槐踈冷幾秋風

瘦蝶寒蛩咽露叢年來載酒幾人同離心夢繞三

更月好句吟殘一笛風

大雅堂初集卷一

七

文壇曾接少年輩臭味如君孰與同月白霜清秋

色裏一枝鄭重寄湘風

頃贈秋蘭

新涼昨夜透踈叢
茆屋欣看把臂同
已分淵魚依故藪
可能老馬更嘶風

七夕和啓丹韻

碧天無際露華清
梧葉蕭蕭夜有聲
寂寞憑闌迴首望
雙星斜倚玉樓橫

雲帶輕陰雨帶絲
金風吹動別離思
星河且莫西南轉
更為羈愁住少時

拋擲金梭整翠鈿輕風環珮夕陽烟人間多少相思恨也道靈烏許爾緣

貞女篇

貞女姓方氏許字余族弟方渠方渠殤貞女聞訃自經家人驚救得不死久之請於母願歸鄒氏會得疾死議逐寢余既為立傳復賦詩紀之

謾謾陵上松晶晶握中壁霜雪不改柯緇塵不染白方氏有好女婉孌抱貞則十五許結褵二十分綺翼側愴長別離覽鏡重於邑脫我繡腰襦卸我

雲髻飾長歎空房中捐軀輕一擲阿母大逼迫中心愴以悲轉顧謂阿女撫女良獨難叶呱呱泣懷抱三歲漸免孩提攜日以長繞膝歡追陪女命畢今夕母命豈斯須柰何中顧私聽之靡肝脾阿女啓阿母嗚咽聲更淒兒今搜禍羅母今重悲摧捐軀良亦甘舉動豈自由叶幸可遣媒詢得依公姥棲上堂奉箕帚左右相扶持死者無會因入室緣冥思屏幃或彷彿魂來豈無時恩義永幽隔區區諒不訾阿母得聞之掩涕為長嘻開書訊日吉便當遣兒歸何期志願阻進退俱乖違淹淹風雨夜

輾轉閉空帷彼蒼者何辜懸命忽如絲生存難克
從鬱鬱摧雙眉重壤永當晤攜手效于飛兔絲附
女蘿根斷還縈抱孤雁求其曹哀哀匝林杪嗟此
歲寒心皎皎凌蒼昊夫婦化始基亮節古來少茲
事誠大難秉筆例當表聊仿仲卿篇遺烈為求討
庶令千載後榮名以為寶

吳逸泉望雲圖

亭臯木葉脫秋氣感霜林曳杖依荒楚披襟續短
吟眼明青嶂在望遠白雲深淒絕莪蒿意圖成思
不禁

大雅堂初畫卷一

九

題畫和王忘菴韻

一枝春色江南麗半斛清冷蟹眼泉水閣湘簾誰
領略雲腴小注試松烟

文衡山畫

千疊峰巒綠黛浮松風瑟瑟動林邱幽人坐對忘
言處雲自高飛水自流

白陽山人畫

兩雨風風浙浙吹陂塘秋淨澹霜姿最憐公子丰
標在獨立枯荷折葦時

王圓照畫

蔗臺筆墨堪千古烟客還為第二流重把三王閒
品量買絲怎教繡廉州

題山中二果

纒塘雁影碧雲涼鴨脚飛時覆石床閒把筠籠收

碩果滿林銀杏滿林霜

纒塘銀杏

鯉魚風細老秋光栲栗勻員滿摘筐可是靈根來

月窟翠苞纔破識天香

桂花栗

魏侯徵詩賦贈

魏侯相國之子孫騰驤磊落迥絕倫往者千里絆
良足下車問俗蓉湖濱吳俗剝弊紛難馴臬鏡蹴

踏鸞孔羣侯之來兮肅政紀清霜栗烈春風温文
翁今者再剖符豪強脅息民歌呼吁嗟赤子無母
雛謂我侯駕來其蘇侯曰爾饑爾勿虞爾饑我舖
寒我襦爰采風謠達民瘼徵詩四出追逋如我侯
高義驅千古芹曝之獻安足數藥籠無嫌敗鼓皮
裁擇或者堪小補請哀瘡痍去蝥賊杜老一言良
碩畫此邦胥吏故無匹索錢不肯留一隙堂上爭
趨塵堂下侮下民趨承鞠尻蜷兩牖侮民意氣如
闕墟鮮衣翠織充筐篚素鱗肥肉盈伊庖十室九
室悲嗷嗷嗜膚飫膏乃以資女曹匣中有明鏡形

影理莫逃惜哉利劍不及試或憐鼠輩趨走勞荃
蕙蒙蕭艾生理終寂寥霜威一朝厲白日走山魃
餓船一葦竟航海嗟爾南金安得藏堅牢三尺喙
吐衆所棄狂瞽詎足叅未議不識賢侯有意無怪
辭咄咄驚不已

泊薛灣

行役胡為者蕭蕭風露侵嵐深迴短櫂野迥落饑
禽鹵莽殘生事艱難此夜心羈棲不自得回首一
長吟

落日荒原淨歸途望杳冥寒溪流雪水小艇逐烟

大雅堂初集卷一

十一

汀野宿眠難穩愁時酒易醒烏啼與雁唳蕭颯此
中聽

平陵懷古

小山池畔風流盡射鴨堂空蔓草茸莫管是非今
古在祇應閒付竹枝弓

挂颿千里木蘭輕風味吳中玉雪清堪笑士龍閒
品量漫將羊酪比萼羹

三十韶光付逝漚當年巾幗已千秋春風回首投
金瀨花落無言水自流

一斛清冷半斛魚水鄉風味狎樵漁他年卜築湖

山好應得扁舟傍此居

歲暮感懷

偃蹇空堂晚飄零歲已歸
寒花墮殘雪曉幕宿輕
霏世路終艱窶人情果是
非卻憐高卧者久息漢
陰機

肅肅寒空淨行行林竹清
澹懷無忤物養拙足平
生茆屋晨烟寂孤檠夜火
明只餘圖史在瀟洒屬
吟情

病骨支離久休文減帶圍
檢書還自惜覽鏡與心
違凍羽寒隈樹沉雲濕不
飛相看一笑起寥落正

大雅堂初集卷一

三

同歸

襟詩

東方有好鳥羽翻耀朝暉
飛飛故不高迺與燕雀
嬉燕雀自有枝栖栖復栖
栖焉知拂霄幹迎風臨
崇邱

叶

蘭桂不獨秀埜草自生香
咄嗟委路隅牛羊踐其
旁我欲移根株薄言植高
岡挹彼雲露滋頡此蘭
桂芳

寄暢園夜坐

灑灑新泉駛分來蟹眼流
穿雲灩石磴帶雨出山

溝林澹月初上山空晚更幽糟床春釀熟把醖上樓頭

清川遶華薄幽境隔塵寰礙石疑無路披雲出遠山蝶依芳草宿人語落花閒寂寞空林裏鐘聲杳
露間

半谷寄興

鷓鴣栖一枝偃鼠期滿腹吾生亦有涯偃仰隨所欲囊中有餘卷室中有餘穀弱女四五齡牽衣繞我足識字認之無新詩頗能讀撫此良慰顏且酌杯中綠

大雅堂初稟卷一

三

王達陽家儀九有約見訪為短句促之

荒郊雲樹外極目浩烟波長日愁無那濠梁許見過便當移小艇應為啟吟窩細注香醪嫩欣看把碧荷

登管社山望太湖七十二峯

秋水落芙蓉亭亭七十二激射含飛動雲樹爭嫵媚中有仙人居閒寂精靈閱升降隨紫烟吸景鍊神氣含笑凌蒼蒼終然謝塵世何當挹空岩俛仰雲水會手招綠毛翁逍遙恣遊憩

夜

大雅堂初稟卷二

壬申

真孃墓

紅顏寂寂委香泥古墓淒淒山靄迷塞北江南愁
絕處斷猿冷雁一時啼

雲雨荒郊隔死生柳眉榆莢不勝情最憐花草傷
心麗偏向真娘墓上榮

姑蘇懷古

宴罷文臺動越戈鼓聲散采蓮歌傷心西走餘
杭夜霸業飄零土一螺

大雅堂初稟卷二

一

於越行成早噬臍會稽未是越王棲紛紛漫說龍
蛇位無那城頭烏夜啼

膩粉殘脂別院香春風暖日卸紅粧停橈借問溪
頭水何似華清第二湯

鶴市千年荒塚在龍舟一去錦帆空行人欲問吳
宮事流水栖鴉夕照中

誰教一戰徙餘皇回首姑胥草蔓荒自是君王無
遠略枉憑一女說興亡

三策籌來吳苑墟良弓高鳥竟何如鷓夷若不浮
家去也向潮頭逐子胥

夜過吳江

蘆花菱葉亂芳洲風景吳江解客愁最是晚來堪
畫處兩三星火一漁舟

寒塘漱瀼碧天空小棹輕颿葉葉風欵乃一聲鄉
夢斷起看霜雁月明中

露冷烟寒望雪灘鱸鄉亭子水夢環孤舟一夜松
陵道記過吳淞第幾灣

望仙橋

菱塘柳陌靜寒蛸閒酌雲根試石瓢看盡吳江楓
樹好估帆斜日望僊橋

大雅堂初臺卷二

二

鴛鴦湖

挂席南湖道漁歌晚唱齊樓頭雲一抹沙際鳥雙
栖木落清秋迥天圍野岬低一聲傳戍鼓杳杳數

峯西

早發石門

昨日嘉禾道今朝抵石門尚傳泥馬渡遙憶語兒
村眼底寒花老山頭曉月屯一編秋色裏處處伴
吟魂

吳山懷古

竭來屐齒落孱顏懷古登臨杳靄間江劃東西分

兩浙峯高南北對雙鬟千年形勝今猶昨一代雄
風去不還倚劍歌殘最高頂浮生容我綠蘿閒
山色城頭碧篆痕中分吳越勢凌騫九秋露冷王
妃塔三折潮迴鷺子疊霜雁欲來人獨去菊花未
老酒初温芒鞋布鞵青霞路何處山人鏡裏魂

丁儂閣小飛來峯

丁儂閣下石云是飛來峯奮迅湧平地嗟呀蟠蒼
龍其上安妥帖其下成窪窪竒詭幻雲物位置非
人功鶴去是何年石來更何處問鶴鶴不還問石
石不語吾謂石解飛既來須當去他年華表歸素
心與鶴許右手挾蒼峯左手攜白羽共訪安期生
相將海上住

鳳凰山懷古

玉殿虛無輦路空蕭蕭松柏起秋風魂銷當日笑
蓉閣碧甃雕欄是此中

百八楹廊儼畫圖一溪縈帶小西湖君王自愛宮
中樂亦記瓊廬二聖無

孤山懷林處士

昔賢懷遠躅卜築此山巔自愜性情賞而無車馬
闡野鶴啄岩石梅花流澗泉風標渺何許想像孤

雲鷲

飛來峯

靈鷲飛來向此間和烟和雨伴雲眠知君亦愛湖
山好一住山中不記年

九里松

攜屐探幽好來瞻靈隱峯迢迢九里道偃蹇六朝
松盡日看雲起有時濺石淙颯然過雨處白晝吟
蒼龍

參寥泉

當年五馬此停鞭謁罷參寥挹石泉寒食清明都

大雅堂初稟卷二

四

已到因緣約略話從前

金洞門

金洞門前積翠稀瞿曇寺裏長春薇談禪大傳歸
何處烏鷲一雙猶自飛

湖上懷東坡居士分得有字

坡公經濟才薨鬱匡時手不為當軸容一麾迺出
守嘯傲烟霞興鞭撻風雲走禪那叅靜機閒情種
花柳千秋西子湖竟亦為公有

湖心亭

寒螿衰柳韻踈遲秋抱孤亭澹碧漪真把西湖比

西子劇憐顛顚捧心時
玲瓏水榭影橫溪曲檻雕欄高低最愛秋風逐
秋雨遠空一角六橋西

錢塘江觀潮

錢塘江水平如鏡捍索桅竿取次開忽報潮頭高
幾許玉龍飛向海天來

泊錢塘

霜楓漁火擁孤檠羅刹江頭轉夜更特地驚濤噴
欲立一聲聲打鼓腰城

富陽懷古

大雅堂初藁卷二

五

江流疾如矢扁舟溯流上日莫富陽郭輕風吹五
兩靈岩既屨屨赤亭亦幽敞山勢鬱青蒼雲氣奔
泱莽昔年孫仲謀崛起自茲壤拔劍撫江東羣英
咸就掌虎視何雄哉蜀魏競爭長興亡竟何在山
川一俯仰涼月生夜潮落木秋空響窸窣古城東
臨風起遐想

七里瀨襟詠

五月披裘向此中荒臺千古足高風飄零我亦逃
名者一葉江頭訪釣翁
獅子山頭雲似蓋富春江上水如油畫眉深樹調

簧舌兩岍聲聲送客舟

雷莢雨前封白甌竹鑪舡尾試青烟停撓借問桐
江叟何處桐江十九泉

三十年前此地遊春風遙駐木蘭舟蕭蕭霜鬢今
如許依舊青山抱碧流

西臺懷謝晞髮先生

厓山事去文山死殷凝碧血埋燕市先生丞相舊
叅軍披髮狂叫泪盈瀾雲嵐池榭暗荆蓁徘徊躑
躑浙江汜江湖西去子陵臺孱顏百尺雲崔巍臺
上多悲風臺下蔓蒿萊登臺惻愴向青昊北望燕

大雅堂初彙卷二

六

山今宿草魂招不來歸故鄉竹石迸碎青林杪匣
中有長劍夜夜空飛霜風雨一以閉蛟龍鬱摧藏
丈夫生世不稱意懷抱欲說違剛腸雲漫漫兮何
極雪霏霏兮羃歷渺關塞兮萬重驚欲裂兮孤臣
魄挂席兮西風懷古跡兮心中長吟兮遠眺秋
高木脫兮澹霜空

碁盤石

鮮桃山上青玉枰云有僊人相對奕仙人鶴駕去
何年此地空餘一片石

泊大洋灘

轉却清溪幾曲灣鮮桃山下大洋灘月明小艇秋
風裏一夜潺湲落枕寒

蘭溪道中

寂寂東峯亭秋高爽氣橫孤城臨水闊五兩落帆
輕灘急雙鳧下林深一磬清相看幽興慳不覺晚
涼生

泊蘭溪

金臺山上夜光浮天井潭深百尺流白石青霞鎖
松徑空林十里叫鈞輶

平烟漠漠野棠秋明月山前抱碧流清唳一聲何

處落天寒白鶴試霜裘

衢州

挂席西風裏經過太末城沙明雲錦亂秋迥玉壺

清水碓聲聲急僂槎個個輕土人編竹作渡速從
山澗中出飄飄有凌

雲意村烟明滅處一雁落青萍

趙清獻公故里

軒外長溪溪外山公自題
高齋句趙公遺築翠微間雲霄

一羽伊臯業東坡題公高齋詩
俗錄未盡除伊臯畫閣雙清琴鶴閒

斜日松杉橫翠黛捲簾暮雨洗孱顏高風千古三
衢在怪爾潭州墓下還

爛柯山

絕壁挂石梁，明月秋風道。傳說爛柯山，企脚舒遠眺。
僊人不可期，晴烟澹青昊。世界一局棋，人生亦草草。
緬彼古仙靈，未必常美好。君看采芝翁，回首已蒼皓。
斧柯爛有時，楸枰跡亦掃。何似娛心志，優游以終老。

烏石山岳忠武王題字

有迎二聖於沙漠之句

忠武此經過，留題劉蒼碣。沙漠終不還，題字終不滅。

龍游

穀坡亭畔路，晴旭下重岡。天半芙蓉豔，溪邊橘柚香。
偃王遺廟古，姑蔑舊城荒。欲問龍邱跡，陰崖秋草黃。

晚泊

綠藻潭中弭小棹，亂雲堆裏有人家。篷牕一夜吟風雨，開遍山南麴麥花。

曉發常山

曉色衝烟起，晴雲四望開。泉聲一逕曲，嶺樹萬重迴。
地接衡廬遠，人從吳越來。崎嶇山下路，清露濕莓苔。

南屏懷古

玉溪門外雨如絲沿檣傳觴有所思雲樹千重分
楚越江流一線滙彭蠡周郎故榭今荒土桑苧遺
泉卧野落最是丹榴老秋色西風吹雁不勝悲

月巖

明月懸中天何年墮深谷亭亭吐清澗曖曖翳林
木岩上飛碧雲岩下栖白鹿

紫金溪

輕帆高挂女城西紅樹蕭蕭日脚低野叟不勞占
宿夢秋風真到紫金溪

大雅堂初集卷二

九

雲岩

古栢蒼籐一逕通道入石室倚霜風眼明今日雲
岩路探得玲瓏十里空

辛稼軒遊雲岩菩薩蠻詞
誰解探玲瓏青山十里空

鷺湖

鷺湖紛辨論朱陸遂分馳江漢日源處先生應自

知

弋陽懷謝文節先生

驚鶴摩赤霄不受樊籠繫烈士懷慨慷高風起頽
壓緬昔謝信州大義何遠業發策陳時政應詔痛
稠疊貶謫良亦甘孤忠戀閭闔嗚呼火德終世運

方蹇茶厓山事則已東瞻泪盈睫賣卜潛市塵依
林聊羽戢迺勞垂網羅搜訪沾名牒河山宛猶昨
倏忽年運道先生殉宗社高餓輕王侯龜山青嗟
峨弋溪瀉寒流邈邈首陽躅遐哉企前修

葛陽襟詠

桃花灘下雨霏霏桃花灘水深
深日暮孤帆何處泊白雲三十二峯霽

紅蓼青蘋萬疊稠葛元塚畔溯溪流
鯨夷見說南湖上雨笠烟簑下釣鉤

寂寞當年一草衣繩床企脚息元機
只今惟有青

大雅堂初臺卷二

十

溪月常傍南岩上下飛

雨洗蒼苔九子石烟開蘿逕七星山
白雲明月松深處應有仙人共往還

象山懷陸象山先生

卜築象山巔竒峯圍荒甸澹絕
誤清暉愛此風中練

元鶴驚絳帳曉笙吹碧桃
先生句穩卧愜幽賞林壑

風烟高

安仁

錦江迢遞閩天來碧水丹崖雲錦迴
孝女橋邊重

懷古仙人城畔斷荒苔
愁中客鬢經秋換
烟際雲帆入夜催
飄緲楚舟人獨立
西風回首玉貞臺

白塔河

迢迢白塔河奔騰
錦江澗莫訝風雷喧
淵源本龍虎

泊琵琶洲

琵琶洲上暮烟平
一夕西風雲外滑
紅寺青山人去杳
斷霞殘雨雁初橫
空舸木落猿啼靜
畫角秋高客思縈
哀樂中年最蕭瑟
短檠孤枕不勝情

雲風堂

朱子嘗注
離騷於此

大雅堂初集卷二

十二

江上峯青羊角高
雲風堂下註離騷
何人識取湘纍意
毛鄭當年卻枉勞

康郎山明忠臣祠

松門西去陣雲低
鼙鼓聲喧咽左蠡
血洗駢弓酣戰罷
魂驚馬革死綏時
空山落日啼猿鳥
古廟淒風蔓兔葵
家國滄桑看幾變
土花秋碧到今悲

鄱陽湖懷古

鄱陽湖水江水東
蒼茫萬頃搖晴空
天風蓬勃雲景異
鯨吞鼉作相撞舂
昔年此地經龍戰
風塵澗洞角兩雄艨
鱗巨艦掠沙尾
我豈大燾翻高穹
是

時帝運歸江左麻湖崛起風雲從中山開平氣如
虎攻城殺將摧枯蓬鄱陽戰鼓轟雷康郎山下
紛刁箭白日晝晦湖水丹沔陽漁者安足辦興亡
彈指四百年雄圖消歇如雲烟作歌一笑孤蓬底
楓林謾謾驚濤起

滕王閣

一片青山萬里流滕王高閣大江頭危欄半壓龜
鬣窟極浦清涵鴻雁秋檻外烟檣迎晚照坐中雲
樹起離愁黃花白酒年年度且向尊前自唱酬
踏閣攀林動越吟魚龍晝靜雨霏霏水連章貢千
尋碧雲抱匡廬一片陰詞賦於今憐寂寞江山自
古足登臨廿年髣髴曾遊地紅樹蕭蕭思不禁

洪州懷古

黃花九日豔霜安小櫂沿江颿影遲試上龍沙堆
上望風流猶憶孟公詩

萬疊雲峯深復深洪崖壁立削千尋泉聲夜靜流
丹井可是先生鸞鳳音

洪崖子居翠岩開元中召見問先生善嘯可得聞乎

迴應聲而發

謁罷江州竟拂衣城南高卧掩雙扉風懷千載陶
彭澤於古人中見亦希

松篁

喜晤清源

幾載河梁道今朝喜乍逢相看顏色好一慰別離
衰尊酒他鄉味心期把臂同翻憐昨夜月猶是隔
秋風

大雅堂初彙卷二

大雅堂初彙卷二

十四

大雅堂初彙卷三

癸酉

寄懷邵夏杓

昨日送君去愁懷強自持君行日以遠轉念別君時江上春帆暮河陽花柳遲客顏容易老莫自惹離思

江口夜泊

寒雨沉沉帶霧昏孤舟遙夜泊江村羈人自是眠難穩却怪潮聲到海門

四皓

大雅堂初彙卷三

高祖以劍起羣英方滿朝四皓何為者鬱鬱守蓬蒿白首縛塵纓雲壑迴遠轡曰護少主來迺取金玉餌乘時保龍見高蹈翔孤鴻峻節固終始吾慕披裘翁

楊丈方城寫真

應知靜者便孤坐弄清妍翠壁映初照蒼波浮遠天偶攜靈運笠常掛阮脩錢偃寒看君意蓬壺未是僊

慶雲菴

步出城西門靄靄羣木拱行行度前坂數里雲壑

竦幽石各奔峭山木盡蘄腫臨流結精舍寂茂蠲
繁冗捫蘿扣禪關塔基雲卧擁談禪鳥下聽洗鉢
猿跪捧放懷屬遠目睇逕為延踵靜嘯隨紫烟采
藥行提籠

過秦春星先生草堂

草堂枕溪流簷際森喬木嶮呀一徑深古砌盡寒
綠先生高卧處邈爾擅遐躅清琴榭方床茶臼隱
修竹林烟收夕霏房櫳上朝旭宴坐一蕭然檀心
豔空曲

吾愛雲林子扁舟混漁樵偶然愜幽賞山水落修

大雅堂初霽卷三

二

毫吾慕友石翁雲壑抗清標馳思入寥閔盤礴精
騰超蕭齋邈塵俗圖史鄴架高縱橫百千卷鑿古
窮毫毛興酣一灑墨筆力親風騷脩脩畦徑外林
烟澹秋臯二泉流淙潺九龍青迢迢風流一相映
今古詎云遙

高賢林登岱宗手搨磨厓碑元貽邀余作歌

天孫作鎮東海東神房石閭排蒼穹傍眺嵩邱前
太室九州一氣青濛濛迴崖沓嶂仰脅息中有金
泥玉檢明堂封聞昔開元紀年年十四鸞輿東狩
駐六龍一夕登封氣凝晦驚飈激烈雲靈霑齋宮

露請精神通靈岳昭感回天公明曜五色條縈抱
山頭熒熒旗旛紅遂濡大筆紀功德薦銘古輿昭
羣聳丹梯絕壁一千仞神工磨治光熊熊大書深
刻九百字盤挐烟霧迴長風玄宗隸法妙千古斯
邕前後相追蹤銀鈎倒薤勢勁折八神變態誰能
窮何況此碑十文字如斗豐茂茂特尤稱雄賢林
束裝東魯遊遠攀雲闕臨丹邱摩摩手搦連巨幅
珍重琮琤琳琅璆登堂示我仍舉贈邀我題句窮
雕鏤詩成碑亦吐光怪却恨未足相追酬附書急
遣長鬚致搔首令我生歎愁

大雅堂初雲卷三

三

題曹偉君畫半谷圖即送其試禮部

高情為寫孟襄陽摩詰才名遠擅場此去送君千
里道應教法曲動岐王

村溪晚眺

溪邊落落長松屋上聲聲布穀苟鋤帶月歸來報
道黃梁初熟

細草青青古岼新泉活活山溝長笛一聲何處雨
簑烟笠孤舟

纔過一籬疎雨洗出數點晴巒林下看驅歸犢輕
風剪剪暮寒

壬申夏旱葉道士丹山禱雨尅期雨集明年
癸酉丹山舉五十觴索句題贈

歲在壬申月午未驕陽羲馭驅炎厲火旗燭燭遮
天紅流鑠金石灼地肺丹山羽士燒靈符青霓扣
額空中呼九關虎豹開帝闕屏翳起舞羣龍趨甘
霖一夜活苗黍風姨玉女迴雲車烟空雨歇雲車
杳六龍未許歸海島呼來天上耕紫烟遍種元芝
與瑶草踏天摩又斲靈根噓吸清和君不老噓吸
清和君不老物無疵癘年穀好

同邵夏杓王遠陽移棹慧山

大雅堂初稟卷三

四

春色依依誰最多華坡日暖長青蕪美人一笑當
鑪坐得似臨印市上無
水滿清溪月滿舟與君攜手暫消憂半生幾度春
光好且脫鸛裘付酒樓

過夏杓樂樂亭

高齋方宴起之子意何如細雨兼白潤名花帶月
鋤忘機狎鷗鳥得句掣鯨魚生計看蕭颯知君未
是疎

即事

未容俛首隨韁鎖恰似閒雲自往還赤足科頭深

樹裏清香小炷閉松關

茗椀鑪香興有餘欣然抱膝愛吾廬消磨歲月書
千卷老去真成一蠹魚

書李供奉集後

落拓心情付酒卮縱橫竒思醉題詩先生一去天
壇上風月三千定屬誰

書柳柳州集後

零陵十載獨依栖泉石閒情寄品題感泣孤魂雲
嶺外遭逢真是讓愚溪

四十自壽兼述舊遊

大雅堂初集卷三

五

爾生甲午今癸酉四十春秋驚電走爾不能拓弦
盤槩橫行青海樹功勳復不能橐筆從容麟閣石
渠圖不朽窮年息影鎖吟窩燈前細雨空搔首時
復一鳴蚯蚓竅頗覺千金矜敝帚昔年曾遊東魯
瞻泰岱秦松漠栢森猶在丹崖否匝十八盤神房
石間雲靄靄天雞夜半空中啼海口欲出光晻曖
秦觀越觀恣登眺黃河千里環如帶去年掛席西
江遊滕王閣下駐輕舟南浦西山自今古仙人帝
子誰攀留興懷慷慨發高唱江波冥立風颼颼歸
帆經過桐廬道木落寒空秋色老錦峯繡嶺青嵯

峨眉上荒臺正飄渺楚越雲山千萬重蠟屐芒屨
盡所討香鑪瀑布平生夢但恨不覩匡廬好噫吁
戲男兒墮地抱此七尺軀蹉跎踪跡混樵漁牧豕
負薪吾老矣焉能低頭槁項試吹竽君不見李杜
文章氣干斗半生落拓難回首又不見廣陵逸響
華亭唳駟馬高軒復何有文章富貴兩渺茫且向
尊前呼白為公壽酒闌燭跋歌且謔惟月在午日
十九

甲戌

朱亦眉遊塞上歸有贈

大雅堂初集卷三

六

朔雪飄飄絕塞寒寒驢青笠夕陽間驚沙歷亂飛
狐口駿鶻盤空倒馬關樽酒離亭遊子夢尊鱸江
上故人顏書囊藥裹堪驅使得失雞虫亦等閒

寄清源

故園風景又經年觸忤離愁二月天人意孤雲俱
寂寞春光無那石苔邊

與君攜手慰離鴻石鏡香鑪第幾峯酒醒燈殘魂
夢遠一天涼露月溶溶

萊蕪共喜魚生釜好時還傳鵲擁輪黃綬銅章齊
拜賜他年循吏續何人

歲月頻驚白髮侵
中年兄弟各分襟
傷心別有河東泪
和墨援毫寄短吟

偶興

明月隨風墮輝光
到敞廬琴書正蕭
洒雲木况扶踈
世路終何事浮生
只太虛高眠吾亦
得隨意問
棋漁

寄華師道楚中

草長鶯啼擊客情
澹烟踈雨逼清明
樓頭寂寞哀
王粲江上行吟吊
屈平人物荊州幾
消歇文章之子獨
聲名劇知無限登
臨興一抹湘霞月
正橫

大雅堂初集卷三

七

歸雁

一片霜鴻影飛鳴
宛轉愁自憐毛體
瘁無復稻梁
謀闌塞連天遠瀟
湘抱月流平沙芳
草綠歸思正
悠悠

書王大令十三行後

淋漓紗縠染幽香
大令風流遠擅場
幾度劫灰雲
散後人間惟有十
三行

書智永千文後

永師楷則堪千古
衣鉢傳來是二王
借問歐蘇高
月旦也從真草別
雌黃

題畫

蕭蕭雲木涼颯颯寒蒲響孤村一徑深驅犢自來
往

即事

桐陰瑟瑟含風清桐花滿地蒼苔平踈簾冰簟日
卓午隻鶴孤琴非世情

雨聲十日鳴簷瀑雨後青山出新沐樓頭却立蒼
烟高鷓鴣飛破孤雲腹

書懷

雙鬢催年老幽栖寄速情雨中一葉下雲外數峯

大雅堂初集卷三

八

橫閱世真成懶悲懷漸欲平鷓鴣與偃鼠寂寞問
莊生

寄顧星五盧溪

憶別淒其鴻雁天碧蹄驕馬斷吟鞭劇憐雲樹三
千里回數交遊二十年洒落如君具吏隱飄零笑
我似蝸踰曉烟殘雨春醪嫩珍重停雲第一篇

五溪溪水碧彎環溪瘴嵐烟入百蠻銅馬功名餘
戰壘衣裳土俗共雲山笛殘古岫新秋夜花落閒
連夕照間極目湘霞人意遠黔陽江上幾青鬢

訪朱亦眉有贈

朱欄映修竹窈窕明空翠洒然几席涼清響檐間
墜古石含植杪幽逕屢軒輕澹絕遙天岑坐對寒
雲霽感懷慕往哲汲古得微契示我霸坼篇寥聞
秘真意沉吟發遙慨把卷屬遐思大雅久淪蕪誰
飫此中味

得清源書感賦

誰謂太行險車輪涉其巔誰謂江海深扁舟屢洄
沿世路方險巖豺虎當術阡纍仇豈有因談笑韜
戈鋌君看漢監門刎頸結交歡慷慨桑下約知已
誰不然

大雅堂初索卷三

九

濁流灌清渠水濁不復清曲木生松林不礙青松
貞君子慕遠猷小人祇自營逐逐名利間得失爭
相傾絲粟一為瑕枳棘紛縱橫拙疾各所尚秉德
貴以經千鈞與蟬翼何用較重輕

冬日作

晨起踏嚴霜淒風萎百草凍鳥栖舊林歛翮競紫
抱稍見朝霞興晴烟散林表擎衣登高樓九龍正
飄渺偶然契靜機一覽萬物小丈夫屬有懷安能
長悄悄

冬日苦不長冬夜苦不曉烟暝息羣動兀坐愁枯

槁落葉驚夜窗
械循階繞涼月
忽復來光景空
中抱古籍紛縱
橫搜抉方浩渺
此中真味深食
者幾人飽

寄懷清源

寒飈催短景慨然寄遠思
問我何所思乃在西江
湄江水方湛湛江楓策策
吹暎蒼云路長把晤安
可期日月雙跳丸光景忽
西馳霜鴻念儔侶嘹唳
東南飛顧我獨何為終歲
此離居

贈諸杏程

文章迺元氣淋漓秦漢間
六籍討淵源俯瞰崑崙
巔駿骨馳風颺敷詞芟華
妍東都稍綺麗六代屢
涸沿齊梁及陳隋結習不
可捐昌黎寔雄鷲隻手
起頽蹶力拔賈董幟氣壓
歐蘇前自從元和來斯
道開術阡中間作者七儻
如華岳連洛也生民秀
結撰精且堅圖史百千卷
坐擁書烹煎鎚幽探深
阻放筆恣高騫驕駟奮蹴
踏詎肯低心顏我昔年
正少文壇結交歡連轡掉
羈鞅談笑傾華筵自君
之出矣與君曠周旋音聲
日夜闊年運屢催遷忽
忽霜風緊黃葉飛翩翩君
返長安道歇鞍蓉湖邊
相看一攜手含意不及宣
解囊檢書籍手擲篋中

篇軒眉一再讀快若奔流泉伊余抱寒羶頗亦事
丹鉛咄嗟慙夔落鬱鬱撫遺編河流日滔滔逝波
不復還去者日已遠來者誰為傳感激申此詞與
君共勉旃

歲暮懷清源

歲月忽永久匆匆柰爾何風霜紉春節酩酊漫悲
歌西望音書濶南來鴻雁多浮生原不著未得慰
蹉跎

乙亥

題偉君山水

大雅堂初稟卷三

十一

秃筆掃秋林茫茫發天趣蒼然樹石幽意與清景
遇柴門何閑閒中有幽人住睠懷退谷銘流連招
隱賦

馬鞍塢

寂寂空山道行行入野蹊松花流澗水翠羽啄春
泥雨過新寒重雲開古木齊柴門清晝永人語小
橋西

偶興

落花飛絮兩悠悠小閣繩床足卧遊春草夢迴人
意寂鷓鴣啼處雨聲收烟霞舊隱思巢父款段平

生憶少游笑指蓬萊水清淺都将身世付虛舟
東坡先生頭陀像

一箇人間六十年半生憂患巧相緣從教覆雨翻
雲手爭柰都将付八還

笑問希夷原是夢了知次律本來僧而今還識先
生面敢藉連河乞慧燈

遣意

竹色依荒徑蒼蒼風露清偶尋流水去坐愛孤雲
生養拙聊堪老耽閒不用名誅茆問田舍獨立一
含情

大雅堂初集卷三

十三

題杏程陳節母墓記後

吾友類谷子灑落文章手亮懷霜雪姿特筆記陳
母母籍古淮陰寥寥百年久孤墳漂母旁傳聞自
者叟所惜氏族湮殘碣未頽朽懿昔龍門史作述
得未有大書漂母賢不復紀誰其迢迢千載間竟
亦在人口鉢池青嶺呀高風鳴瀏瀏徵文考遺烈
今古一回首

讀東坡先生集

小海歌殘扣兩舷支離病骨笑癯仙此生已歷八
州督負郭難謀二頃田老去收身惟淨業興來把

酒賦新篇懸輿借問知何日漫道休官似樂天
爾許才名未抵窮遊絲飄絮任西東淒涼夜雨憐
同叔寥落晨星憶醉翁惆悵心知誰復是久諧世
味本來空月明雲散真歸處一笑閒看化兩虫
出處升沉那復論衝風弱羽信乾坤三言慷慨陳
時政廿載羈栖戀主恩晚節自共向孟博孤忠終
許赦虞翻青山白髮江南路回首蓬萊一愴魂

題畫三絕句

十里蓉湖碧玉迴松風九曲亂雲開莫嫌烟月無
多景 僊仗曾經七度來

大雅堂初集卷三

三

青溪曲崦幾縈紆短檝烟篷便作居記得漁洋詩
句好半江紅樹買鱸魚

獨山飄渺接天流山翠湖雲一抹秋如此江南好
烟景風流合與使君收

華天和寫真

白雲停復流緣崖勢蜿蜒其下靈芝繁其上蒼松
偃林石餘清妍幽迳屢迴轉岩戶不逢人獨立布
清欵衣冠太古餘圖史寄情遠快意凌紫烟傾聽
風泉滿

寄懷清源

空堂燈火欲三更孤雁歸飛望杳冥一紙家書淹
日月數行清泪濕原鴿草青池畔還縈夢兩黑床
頭倦細聽為擬相思一命駕鯉魚風起擊吳舡

廿年兩世挂西銓又向清時擊小鮮五斗莫嫌
陶令辱一錢合許祖榮賢藕潭秋淨冰壺潔石鏡
春融玉露涓治狀此邦誰第一馮將清白溯家傳

朱若愚寫真

涼月澹空岩寒松盤翠壁流泉何淙潺光景還激
射蒼蒼蘿迳紆渺渺烟霞客跌坐檐忘言非感亦
非寂

大雅堂初稟卷三

古

大雅堂初稟卷三

消獨夜舟學步邯鄲幾人在多情問有玉溪不

送姪于蕃甥楊相試京師

遊子終宵發桑弧服錦岌春城鶯語暗雲闕馬蹄
高林壑親吾輩功名看女曹秋風待鵬徙的的振
霜毫

禱詩

落霞本無色夜雲本無光日月一輝映爛爛開天
閭麒麟困鹽車躑躅上太行荆璞埋路隅誰知是
琳瑯志士永幽棲抱影息遠鄉含意不得申賤日
豈殊常

寂寂春晝永皎皎秋月懸盈盈誰家女皓質何如
娟顧盼流光澤吹氣馥若蘭嗟嗟出世姿鬱鬱負
華年明鏡壓塵垢獨夜悽自憐君何用自憐世路
欺紅顏

丁丑

寄懷夏杓鹽城

總角交遊只數君那堪老去更離羣春來最是關
心處斷續鸚聲斷續雲

不那離情古射州楚雲滄海迥添愁東風十日吹
寒雨六箭空憐尺五流

寒山千尺雪

沈泉湧地底漩渦勢詰屈喧阗臨大壑怒流忽破
裂一落千尺強排空界絕壁激石散驚沫疑是太
古雪晨策發支硎數里緣新術林竹鬱森爽岩岫
盡凹凸威紆逕屢迴茲泉竒更絕山水吾故交願
似膠投漆素心諧所願新知此其一徙倚躡蒼苔
傾蓋未忍別

華山

華山未足竒一徑松風好斐斐出谷雲綿綿幽岫
草怪石各奔峭神龍露鱗爪何處揚輶雷殷殷匝

大雅堂初雲卷四

四

木杪路轉屢迴矚忽覩雙流繞

山泉遠松徑
出俗名地雷聞昔

峯頂池白蓮間紅蓼服食通精靈坐使容再少茲
事不可期蠟屐且登眺輕颺激石林幽鳥方叫嘯
散髮緣危稜一覽青未了

靈岩

落日山之阿蕭蕭披晚風迤邐愜幽賞遂登石鼓
峯突兀瞻古寺金碧輝蒼穹陰崕走茫昧高標壓
低空攀條躡其巔月上東山東密樾排濃綠餘霞
散輕紅徘徊一以眺望古心忡忡今日古蘭若當
時館娃宮

登琴臺望太湖

琴臺飄渺山之椒竒石磴紛紛磬孤亭倒盖如
覆巢天風燥怒愁動搖吳山一日相周遭出沒娛
戲忘其勞賈勇且復却行鑣拂衣竟上輕猿獠蒼
茫獨立凌秋毫湖雲山翠來招邀五湖三萬六千
頃七十二峯青迢迢湖山噴薄水氣驕濁浪掀舞
連昏朝風帆估舶縱橫交靈翬騰擲魚龍高名山
終古鎖沈寥翩然今夕來吾曹當風輕舉精騰超
恍乘六氣捫斗杓生不願被宮錦袍亦不願作五
陵豪但願混跡同漁樵烟簑雨笠參遊遨倚劍高
歌拍銅斗岸幘大叫呼濁醪題詩一笑蒼烟起歸
禽啞啞紛啁嘈

自靈巖泛舟石湖

松風洒衣裳渺渺理孤櫂雲樹暗前村浦漈隔嶺
嶠運轉渚洳沿去帆若為導極目眺倒景前津方
浩浩孤亭水一方曲檻窺禁輿朱甍交綺疏空水
光照耀幽賞自夙昔烟景實清峭陵谷一俯仰更
闢湖山貌如畫本天機煊染亦俱好如樂尚雅音
不廢箏笛調把卷發遙吟杖策信所造斐斐望歸
雲寂寂澹瀟照

寄懷清源

星霜十載鬢毛斑，悵絕離羣彈指間。白日欲眠雲
黯黯，清宵却立雨潺潺。似聞洛縣花開好，見說琴
堂鶴舞閒。紅豆江南幾枝在，春風且得破愁顏。

寄師道射陽

一客清江秋復春，小山叢桂幾枝新。淮南舊日風
流在，招隱於今定有人。謂程君魚門

漂母祠邊舊釣臺，荒烟零落一徘徊。文章枚叔今
千古，何似韓侯霸業來。

平生師友廿年中，風義如君洵不同。拈得后山香

大雅堂初藁卷四

六

一瓣故應低首禮南豐

楚水吳山路幾重，片雲斜日自西東。行人試上長
堤望，社燕還應戀塞鴻。

寄懷杏程

輕紅嫩綠一番新，老去飛黃空復身。文苑他年幾
人在，交遊此日向誰論。雙垂柳樹枚臯里，獨撫春
醪陶令巾。斜日闌干無限意，好憑書札一相親。
喬木荒臺古渡頭，昔年曾此暫淹留。征帆去住通
淮戍，客館逢迎是舊遊。荷芰凌波初泛艷，霜螯斫
雪點深甌。二語俱紀當時實事白雲明月今千里，好在邗江

水自流

邵夏杓寫真

孤松拔地千尺強盤挐雲霧鱗鬣張斑斑細菊紛
欲吐南山窾兀相低昂君之此圖誰所寫撫松對
菊云柴桑與君結交君正少向我不惜開懷抱鬚
眉猶挹古時顏坦率不闕今人巧披衿領契別有
神太息交遊盡草草愛君磊落精騰驥感君漂泊
違剛腸我顏老醜君鬢蒼曠然八極心茫茫尺素
寄我千里道屬我搜句題縑緗日月不待人且為
陶一觴

靖節句

清琴濁酒自娛戲世間何者非朝霜

大雅堂初彙卷四

七

悼偉君

江左人誰在風流數二郎

偉君自號江左二郎

天然去雕飾

標格正昂藏只許鵬搏翼何期劍折銜論交生死
地搔首意茫茫

已蹇青雲路還悲白玉樓斯人意終古吾道復誰
儔寂寞黃雲晚飄零紅葉秋酒壚原不改把盞未
消憂

和師道古印歌

去歲師道客廣陵得觀秦漢人章凡千一
百三十有五因集為譜兼題長句索和時

余輟吟已一載未有以應今年夏檢校舊
篋得前枉詩追和原韻用塞諾責云

南林作客不稱意狐裘歲晚愁蒙茸一夜廣陵濤
正急翩然理權歸芙蓉客裝蕭索復何有怪爾囊
中有物吐燄如長虹解囊示我驚欲倒忽疑繁星
亂落光熊熊須臾驚定拭兩目乃見古印纍纍堆
璨堆鮮紅誰好事者更有力曰千與百蕪收充細
纔半寸大逾倍或方如珪負壁琮推尋點畫十得
九間佚一二由磨礮岫嶠山碑岐陽鼓蚪蚪錯落
紛魚蟲形竒字與喻者少矧追蒼頡稽鴻濛孔子

刪書手定百王典但存虞夏遺黃農古文精義日
茫昧斷以秦漢吾其從摩抄此刻別篆法約略上
蔡邕與邕其拙愈巧竒愈正字體變化旁交通空
堂漠漠正愁絕對此不覺開心胷南林好古故竒
癖左右圖史交橫縱丹鉛一一研與窵名物細瑣
無朦朧遮羅詎復別今古况乃上揖嬴秦溯沛豐
自云客牕初覲此得寶疑入鮫人宮啟篋一日三
轉玩快意直欲忘朝饔手摸繭紙裝巨冊兼別官
私分類從歸囊致是良亦足不羨金玉磊砢堆堂
中近者有力負之走文氈包裹緝錦封寶玉大弓

歸魯廟深山巨藪潛蛟龍或重惜此三歎息愛而
不見心憧憧君不見昌黎記畫畫何有人物歷歷
留其蹤又不見歐陽集古今千載金石飄散如轉
蓬古於文字堪不朽餘物何者終無終雲烟變滅
倏過眼卻怪世人所見毋乃隣兒童君題古印歌
力挽三石弓側席韓杜間一掃竹者空把盞邀我
和材薄慚踈慵當軒擲筆一笑起此意或者君其
同

文孫周晬

去年作客長安道聞女之生狂欲倒歸來啞啞就

大雅堂初霽卷四

九

我懷向我偏能開口笑今年遯月日在柳女生周
晬頗能走展卷似欲識之無學禮間亦义臂手我
生落拓鬢滿霜已平塊壘空昂藏詔女媿說孫謀
臧理翻比看霄漢意囊中賸有舊縹緗

夏日漫興

捲簾暮雨北風涼瘦骨支離六尺床自是心情疎
懶甚不關高枕說羲皇

挿槿編籬小徑橫高梧日日轉黃鶯一床圖史千

未恨飄零託此生

看帶露灑新泉夜汲闌旗槍陰濃最是隣

送蟬聲又送涼

喜雨

靈鳥躍起扶桑東金輪燦燦停高穹積陽絕爰
地肺秧針焦捲如霜蓬忽然飛谷迴白日恍惚對
面隔遙席或疑巨靈高掌遮碧空火珠出腦光淪
匿不然天公潑墨揮雲箋淋漓畫染雲煙黑平疇
揜菱風爭鳴颯然雷雨翻盆傾黃河倒卷落天上
勢若萬馬蹴踏空中行須臾屏翳迴青冥行人陌
上欲淹脰黍苗漠漠懷新穎如病初甦酒初醒陰
陽坎圮環無終卯襍午早變復通歲則大熟今其
逢君不見前年穀貴方病農

大雅堂初雲卷四

十

送亦枚北上兼呈師道杏程淮南

一年兩度送行舟才數歸程復此遊直把鄉關同
客路更禁詩思入新秋南來鴻雁愁霜渚北去雲
山抱驛樓為到淮陰尋舊雨一樽還道故人否

荻花

限秋字

蕭蕭蘆荻晚花稠瑟瑟西風入素秋肯向青霜歎
憔悴卻隨黃菊鬪清幽江寒雁影三湘渚漁火燈
深一葉舟見說此中奇士在莫教鏡網等閒收

詠竹

瘦節寒筠伴影孤一庭秋水綠平鋪
嬋娟本是無瑕玉錯認湘妃泪眼枯

得儀九書卻寄

交遊回數紀羣間伏櫪雄姿本不凡
此日雲霄干紫氣廿年塵土滯青衫
新愁吟罷絲千緒舊雨經時玉一函
故國尊鱸今正好教料理整歸颿

讀孟東野集

蒼松蟠澗底古骨龍蛇脊時復雪霜中
皎皎弄新色東野五字詩卓犖先民則
振響餘風騷渺思澄寒碧風雨暗秋窗
孤檠正蕭瑟抗懷一俯仰披讀

大雅堂初稟卷四

二

不厭百誰謂煮空螯此味要難識誰謂號夜虫
聲出金石

拾遺賦感寓翰林擬古風正聲久淪沒力扳頽流
中元和數作者屈指昌黎公東野生並世派別無
朦朧跌宕更唱和謂若雲龍從雲來龍乘空龍去
雲滅蹤寥闕百千載誰角雌與雄低頭把遺編頰
首仰高宮

秦文暘谷見示靈壁石狀如劉海控蟾為賦

此詩

東坡昔歌狂道士我今乃賦劉海僊道士楚山猿

所化僊人化石問何年側目方兩瞳散髮披雙肩
老蟾張頤腹如鼓臍尻股脚相鈎連僊之來兮戲
紫煙翻身直下磬石深松巔摩抄歲久發光怪血
蝕斑駁浮朱鮮昏明詭異狀巖竇吐清妍谿訝一
徑闕曲折劃然開處披紫天壺中九華那比數慶
雲一朶差後先

宋政和中靈壁貢石裕陵
親題慶雲萬態齋峯六字

我聞狂

道士三歲還化石此石亦幻形去住未可測珍重

趙壁歸咸秦徑須守護煩鬼神不然騰擲梯空旻

次韻酬啟丹秋夜簡寄

風雨催黃葉吟窗挹露寒莎蛩入夜永蓬鬢怯秋

看薄技真雞肋浮生媿鼠肝因君渾漫興懷響一

思彈

再次前韻

時節經秋換風霜入夜寒短檠終是伴老眼向誰
看檢篋防魚蠹拈毫磨馬肝江湖吾亦得挾瑟不

須彈

昌黎有棄
短檠檠詩

秋日泛舟山中

扁舟浮短檣落木下芙蓉秋水搖空碧晴雲亂衆
峯新霜收芋栗古甃隱杉松不盡登臨意名山斗

簡封

和韻酬啟丹

偶然縱逸權洄沿信所如行行逐幽好遂造隱者
居褰衣攀岩岫散髮隨猿狙林空弄響細夜明落
景虛泉石自清舉况當秋月孤對此一俛仰恨不
王郎俱王郎秉雅尚擊鉢走璣珠孤遊未及還枉
詩已先驅落落秋水篇朗朗鋪坐隅林壑鬱深秀
此筆爭清癯欲倩吳道子掃卻湖山圖圖成寫君
詩高掛三尺廬次第愜幽賞坐看宿抱攄

道子云往半
谷居之句

原韻有
昨遇吳

宿家正謬管社山莊

大雅堂初集卷四

三

契闊湖山久招要復此遊故人欣一笑迴首已三
秋未改羊求徑何辭信宿留相看幽興愜風雨到
汀洲

蕙葭秋露白之子意何如別有經綸在還將世網
疎琴書過雨潤煙翠鎖窗虛一臥東臯晚應知莊
夢蘧

寂寂青霞路團團丹桂叢人來秋色裏花放月明
中拂石清寒重霑衣香霧空小山招隱處一掌落
樵風

林竹清如許真堪著此軀乾坤疑已別泉石更應

無舊築雲居好新添水榭孤
殷勤生計事取次問
魚租

閒縱登樓目蕭蕭黃葉飛雲來
攜滿袖客到已忘
機小棹菱初熟啣杯蟹正肥
攬衣一醉起山月半
沈暉

寒塘圍素柳一逕接霜臯
晝靜螭眠穩

山中有巨石號螭眠

秋空馬跡高雙扉開竹牖
孤枕落松濤詩意悠然
在何勞
沈雪毫

正謬自言
久不賦詩

次韻酬吳一峯

晨起坐釣簾微陽破初曙
晴煙赴次寥秋空愴容

大雅堂初景卷四

古

與仰看屋上霜輝輝白於絮
不見素心人簷鳥自
來去

送顧五表兄持國之金陵

十年岐路別幾度拂征裘
正值黃花候重為白下
遊草深江令宅月靜冶城樓
把醞燈前醉蒼江日
夜流

同吳一峯李濱篁宿忍草庵期楊令貽鮑南
行不至

招要尋古寺一徑入雲扉
林澹月初上山空人語
稀霜鐘流韻急野火隔村微
只有翻飛翼依依往

復歸

自忍草庵尋徑下山

晨起踏嚴霜天宇淨如拭高低松下路窈窕愜所
適寂寂渡野橋行行憩蘿石時聞草際泉猶見林
間滴素心澹若空世外正寥閔竚立臨蒼茫山
盡寒色

石浪庵

山下逢支遁雲間到上方相將茅閣迥入座朔風
涼亂水圍寒甸空林接大荒幽尋諧素侶長嘯晚

蒼蒼

大雅堂初稟卷四

十五

簡一峯

見說尋山去蕭蕭落木深抱琴禪榻畔高枕碧雲
侵勝賞懷嵇阮前期負尚禽空堂殘雪後杳杳暮
愁心

酬亦眉

雙魚裁尺素千里簡愁思珍重三年別心期五字
詩江離春雨暮代馬朔風遲昔日論文友如今復
數誰

大雅堂初稟卷四

桐廬

最好桐江路松風落照閒
回看青錯磨不盡碧連
環籐竹含雲淨山花過
雨斑狂奴仍故態泉石未
吾慳

清暉思不竭一舸逐鷗來
水合三江壯山從兩岫
迴踈篁盤磴曲幽澗拂雲
開試訪桐君隱蒼蒼白石
苔

釣臺懷嚴子陵先生

寂寞真成隱千秋只數君
高風扶漢運大節動星
文淼淼寒江水粼粼太古
雲荒臺一憑弔石籟正

大雅堂初臺卷五

二

紛紛

七里瀨

竒峯千萬重剗然中逕圻
縈紆一線流潭潭深百
尺雙臺何首峯颯沓兩崖
逼或疑五丁開不然巨
靈劈透迤徑屢轉上有幽
人宅松根脂珀香岩下
石乳滴絕境滅行踪蒼苔
交鳥跡時聞梵貝清遠
見晨烟白洵美宿所諧幽
尋新有獲林泉薄世榮
何必羊裘客

嚴州

古郡寒山外烟檣積翠邊
至今猶思范到此已凌

仙絕頂羅浮橘飛泉蜀國絃桐廬最瀟灑把醅倚
江天

蘭溪

嚴陵西去是蘭洲沙路山村抱驛樓流水去時人
意澹遠煙平處暮嵐浮江花亂落三春雨玉簫吹
殘獨夜舟暗數舊遊今幾載臨風重弔歷陽侯

龍游

何處晨雞報曉更蕭蕭風雨暗江城溪流一夜平
添尺十幅蒲帆葉葉輕

縣南雞鳴山每夜五鼓
雞鳴山中風雨不渝

金輿石馬盡囂塵姑蔑城空草蔓湮只有青山無

大雅堂初雲卷五

三

恙在年年留伴越江春

衢州

雨歇荒原上千邨橘柚香人烟盤古驛斜日下浮
梁山色寒鷺籠溪流淨馬疋有懷清獻迹問道擬
羸糧

東坡題趙清獻高齋
詩我欲羸糧往問道

余以四月到葛陽清源構靈山草廬寓余走

筆作歌

僊人戲把金芙蓉王京朝罷迴蒼龍當空擲下七
十二亭亭卻立排青穹靈峯發葉空中走靈山草
廬枕其首維月在巳日在斗此屋經營初斷手紙

窗面面碧玲瓏圖書萬帙交橫縱雷莢紫茸石泉
乳玉川七椀添清風半谷舊築龍山下月色鈎簾
對平野湖雲嵐翠時有無野鶴閒鳧自瀟灑山人
昨日辭故山芒鞋布襪落孱顏白石蒼苔探靈闕
江花瑤草相追攀萬壑千岩看不足還從此地結
茆屋朝看靈山一髮青暮看靈山千嶂綠松風昨
夜翻瀟湘簾纖雨脚生新涼銀荷小炷蒼烟起當
軒獨倚烏皮几

家品山寫真

烟霞深處石林盤坐對松風五粒寒不信滄洲容

大雅堂初霽卷五

四

吏隱也應偃蹇傲秦官

紅泉曲崦幾縈迴石骨叅差點綠苔瀟洒如君圖

畫裏故應著脚小蓬萊

時攝袁州
司馬篆

南岩紀遊

葛溪溪南千萬峯脩眉點點浮天空見說南岩奇
更絕藍輿一逕披松風松風橫亘當石壁角立差
差削劍戟對面初疑路不通剗然開處雲烟擘石
古細路行人高巉岨陡立森松毛造物固護蓄精
祐中有乾竇苔蘚包明月何年墮深谷一彎纔吐
山之麓不然天公擲下半玉環倒掛籐蘿覆深竹

聞昔浮屠大義師驅斥虎豹馴蛟螭傍岩立屋架
梁棟伐石代瓦雲籬籬風雨雪霜不到地鼈鼉藜
藿相撐持劫灰幾度成塵土菰蒲蔓草憐樵斧閱
人閱世恒河沙此石此岩自今古我來高枕石岩
中寒泉點滴聲淙淙五級峯前一俛仰悲歌慷慨
斜陽紅葛山秀絕茲岩最况復登臨我輩在畱題
翠壁凌蒼烟老蛟驚起秋風前

居山

藍輿信所之寂歷晚風善披蘿眺圭景仰見居山
面峯轉跡屢迴目送境逾變細路綠松杉鑿級通

雲棧行人蟻附登著脚尺僅半時復中斷絕跨空
偃凌亂造次仗扶筇黃緣兼賴腕絕頂忽超越振
衣踏天漢週覽際四隅遠目衆山徧詭異不可詳
一一駭聞見或立若精鏡或削若戟劍或植若負
屏或斜若倚案或蜿若蛟螭或翼若鳧雁或渴若
奔泉或注若飲澗或與若堂皇或穹若窳窳或如
虞氏敦或如紀侯甌或上引如鬢或下垂如鬚如
濤或奔崩如霞或眩幻氣奪躡蹇墟神王追勝踐
千里凌茫茫徒旅競歡忭葛陽足山水排列類魚
貫一二編見聞漏者或以萬茲峯洵淑詭秋容復

婉孌元精鬱磊呵日月此中旋胡為千百年埋沒
隨蒿蔓登臨一慨慷試向山靈問

蘭溪晚泊懷清源

山勢圍荒甸孤帆自此中清尊當落照離緒感飄
蓬愁絕關河夢吟深草木風相逢更何日搔首意
無窮

雙鬢今如許株棲乃爾難十年長此別幾日慙為
歡雁影秋風怯霜高樹色寒扁舟遙夜月哀怨激
清湍

最是關心處年來肺病侵支離憐已悴簿領漫相

大雅堂初集卷五

六

尋暗澹三秋候飄零一葉深思君空有泪淒絕短
長吟

舟過嚴陵

嚴陵山水天下稀雲錦展放江之湄故知造物厭
平易鑿破混沌開神奇一斜一掩俱有意倏起倏
滅難為期古今妙筆有如此此中領契吾其師

江上懷沈玉岩龔秋圃卜黼連方發庭

異縣相逢眼倍明忽驚搖落悵離羣何時更剪西
窗燭此去空瞻南浦雲畫角霜高潮正落羈人江
上酒初釀短檠孤枕篷牕底石籟灘聲濕不分

城郭家家入暮霏，北風浩浩急霜砒。寒螢晚蝶黃
花候，楚水吳山遠客心。老木臨江含影瘦，澹烟和
雨一燈深。荒臯曠望頻回首，此日相思各滯淫。

石浪菴晚眺

石鑪松火靄霏霏，短岫幽篁草徑微。落日遠啣龍
背闊，西風吹斷雁行稀。片帆秋色閑孤艇，一曲泉
香帶夕扉。澹挹清暉共禪侶，纓簪誰許換蘆衣。

盆石

為王圖南賦

何年此融結，幾載煩鬼斧。一堆寒碧江之澚，倒捲
長江洗沙土。苔花剝蝕變華古，百穴豁訝閱岩戶。
得非宛轉通仇池，將毋飛墮來元圃。重陽主人欣
得之，寶愛不減南宮癡。半斛清冷貯秋水，九峯翠
黛移於斯。短松一尺竹數箇，石林缺處巧欲補。時
聞好鳥鳴相和，髣髴蒸雲翳復吐。明牕虛牖澹相
對，蒼然秀色生眉樞。我昨東籬一訪君，黃花作意
延清芬。閉門亦有南山在，偃仰悠然應有會。

輓師道

廿年師友接殷勤，此日西風雁影分。感激遭逢真
似我最憐才，調總輸君丹鉛未了河東篋。尊酒空
瞻渭北雲，痛絕人琴俱寂寞。更誰老眼定吾文。

作客經年兩鬢催那知弱草墮輕埃玉簫吹斷邗
江雨錦瑟塵封梁苑苔只有名山堪不朽何時華
表卻歸來短檠一覺秋牕夢月落空梁畫角哀

和一峯梅花詩

檢校舊篋得一峯春日東寄梅花詩依原
韻追和其第五章得句云蕭然別有寄清
極不知寒輒喜清極不知寒五字刻露得
梅花之神偶讀楊誠齋詩序迺知唐人崔
道融已有是語不覺與盡終此四章時戊

寅冬至前一日

大雅堂初藁卷五

籬落一枝橫江南雪後身古香應有骨寒艷不依
人寂寂空山曉離離細雨春支頤茆閣迥披豁對
吾真

經年長惜別春到一相思嘯咏尊前月園林雪後
枝南華秋水意人日草堂詩驛騎千山裏殷勤寄
遠時

翠羽驚飛處踈香暗欲浮孤標原自澹獨夜不成
愁潮落江城邃烟深水驛樓風流一相賞何遜在

揚州

一夜前溪雪冰姿澹趁嬌空連人不見踈影鶴為

招合是孤山好相將雲水遙看君清迥意何處著
氛囂

已卯

宴集翼雲堂

殘雪空堂淨春風曲檻斜故人一把臂招我問梅
花小注耶筒酒分攜石鼎茶相將諧素侶幽興愜
烟霞

翼雲堂聽楊八令貽彈琴

一曲梅花弄清風到竹關心聲兼妙理迸出枯桐
間松月澹如此逸情相與閒阮公吟賞意千古一

大雅堂初臺卷五

九

追攀

題磨蝎居士寫真

居士姓鄒氏諱德基世以二癡目之其自
題云歲月蹉跎可奈何半生強半恨中過
看來不似書生面還向沙場夜枕戈

木彊如公世亦稀嶽岢歷落一栖遲途窮老阮無
人會獨立西風匹馬時

耿耿奇懷只自知秦龍術就不逢時笑他書客雕
虫技漫道君房是絕癡

題畫二截句

百尺青松四面山松風高覆草堂閒白雲飛處泉
流靜愛爾幽人自往還

滿湖光信簾紋流小閣清陰水上頭記得胥橋三
五夜柳梢斜月蕩輕舟

書一峯梁溪書事詩後

雲散風流晚吹涼百年文獻幾滄桑憑君好句閒
收拾次第都將付錦囊

書一峯寄淮草後

清淮無際月橫鉤紅葉青山寺寺樓一種傷心秋
色裏板橋楊柳白門舟

大雅堂初臺卷五

十一

一峯歸自白下攜美人蕉一本同鮑南行賦
闋苑名姝整翠鈿輕羅舞袖自年年月明約共橫
江渡畢竟多情是繡仙誰道多情是繡仙
王煥公贈一峯句

一峯屬南行寫載蕉圖索句再賦此詩
江山突兀爭清雄飛來燕子磯當空錦石蒼苔粲
可喜孤亭漠漠搖天風日暮碧雲江上合半足輕
烟一梳月扁舟不動亦不旋望美人兮渺天末

庚辰

長歌簡家小山侍郎

神氣血月骨兼到東坡論書提奧要吾謂尋條探

本根病俗還將卷軸療。鏗也愛書兼愛畫。畫家書法要同調。得之味外別有真。一石一水詎以貌。先生讀書破萬卷。先生下筆凝神遠。書味潑潑撐滿。曾洒然溢。出驚落腕。雲烟滅沒。石泉閒煇。澹肯受塵俗。澆先生通顯。列上卿筆跡。騰騫達。禁廷

詔謂先生拂絹素。獵微取極。坐屏營。颯然元氣與合併。搖毫落墨。通精靈。一日紙貴洛陽市。千秋文苑名。應傾昨者懸車解。組綬左把浮邱洪。畦右解衣盤礴。山水間三尺圖成。吾得有展。圖林石清而癯。茆簷踈牖。蘿逕紆竹光。水氣團埜色。風鑪石鼎烹雲腴。老僧兀坐青林冥。煙霞永隔塵中區。徑須誅茆傍岩岫。安排帖妥吾其居。先生畫筆今無偶。頗亦閒情寫花柳。既得龍應。還望蜀附書。特遣長鬚走。

半谷寄興

夢覺槐陰晝漏長。翩躚烏帽髮根涼。五株舊說先生柳。十畝新栽閒者桑。石鼎細烹僊乳滑。方書親檢藥苗香。沙鳧野鶴平生事。莫笑年來計轉荒。

金陵雜詩

閩武堂前幾劫灰。霜林策策雁流哀。只餘蔓草連

天起不見金蓮踏地來

靈旗半捲卧風斜
窾兀香臺擁碧霞
會有高皇叅貝葉
可無名衲雨天花

淒絕雷塘草蔓蕪
興亡彈指竟如何
一行銘勒臙脂井
不信偏傳是阿麼

胡床冰簟枕寒淶
步口相邀弄夕吟
一自桓伊三奏後
至今流水寫清音

桃葉山前駐餞戈
景陽宮井泪痕多
海蠹淺酌紅梁醞
月缺枝殘喚奈何

當年門巷數烏衣
水木青溪帶夕霏
江左風流原

大雅堂初集卷五

十一

第一不妨燕子任翻飛

浙浙溪風水上痕
冶城西去謝公墩
顏垣暮雨蕭蕭竹
是處青山李白魂

一墮青溪幾歲華
絕憐紅粉汙泥沙
那知明月秋江夜
依舊臨春閣上花

全唐詩話會昌中顏瀟遊瓦官閣見一美人言家在青溪邀瀟過之乃張麗華也命酒賦詩達旦瀟詩蕭管清吟是麗華秋江寒月倚窗斜懶非後

主題箋客會見臨春閣上花

月淨清溪柳掛絲
勞勞亭畔別經時
東風管得紅塵客
不信長條踈地垂

李白勞勞亭詩春風知別苦不遣柳條青

莫愁湖畔水滌洄
寂寂輕陰兩岫苔
正是閒愁拋

未得倩誰催送莫愁來

寂寂蓬萊雲路杳深深古殿月鐘殘瓊枝此夜開
三樹絳雪當時和一丸

花枝料峭鎖輕寒亭畔風光畫裏看如此溪山清
絕處只應著脚是袁安

殘烟衰柳影參差風緊雲寒欲暮時一曲烏飛吹
木葉月明何處小姑祠

把盞秦淮水上頭紗牕落日迥添愁一聲秋角寒
烟晚十二金釵十二樓

翩翩小宛最生憐春蚓秋花弄態妍惆悵月明人
不見只將梅影寫嬋娟

大雅堂初學卷五

十三

潦倒重看劫後身相逢水驛話慙慙詩成應被元
機笑繡佛香燈近屬君

錢謙益秦淮水亭逢舊校書詩有香燈繡佛對斜曛

之句校書女道士淨華也

絲絲弱柳艷初開秋雨秋風苦欲摧手劈篔簹篔無
限恨一聲聲逐夜潮迴

王隼集柳絲國色善篔簹篔歸太原李公子李楚遊篔

屋西溪未幾避兵石頭為賊得投井死

國是何人更細論夜深絲管笑相傾歌殘燕子春
燈亂故壘蕭蕭草蔓橫

雙管曾將北苑推寒烟古木掌中開士林他日擲

揄甚可是司農負彥田

讀畫錄馬士英罷鳳督後肆力於畫學董北苑黃俞

邵題云半間堂上草離離尚有遺踪寄墨池猶勝當年林甫輩弄麈貽笑誤書時王貽上云士英為後人挪揄如此

芊綿宿草月蒼涼一曲離琴酒一觴賓客梁園雲

散後只今誰解鳳求凰

削公職有故友嗜琴一日過其墓酌酒使諸姬于墓

下各恭一曲而去

風流曾說校書才指月拈花一笈迴證入三車叅

字髮歌回一曲進鞋杯

柳作腰肢玉作容當年沙董笈相逢而今明月還

如水十六樓頭空更空

大雅堂初稟卷五

西

一別江樓春復秋歌翻新調轉嬌喉不堪嗚咽秦

淮水添得離聲入夢流

唐劉采春浙妓也有囉噴曲云不喜秦淮水生憎江

上船載兒夫婿去經歲又經年

紅牙顧曲玉尊涼舊院風流總擅長白髮飄零今

已盡更何人與話陳梁

徐氏續本事詩紀映鍾字伯紫上元人自稱鍾山遺

老與方文林古度齊名白髮當歌紅牙顧曲說青溪舊事妮媿不倦全唐詩話常夷家近青

溪有人著角巾葛衣曳履自云梁朱異從子四方多難遂無宦情陳永定末終此地談陳梁間

事歷歷不爽

松亭竹閣疎吟肩倚遍闌干杳靄天燕子雙栖桃

葉渡雁行一帶白門船

古槐疎冷著花黃
輾轉車塵戒客裝
贏得新詩幾篇在
不妨一笑為君忙

元好問詩笑向槐花問前事為君忙了竟何成

壽顧五持國

足下今年政七十
筋力騰蹕丹兩頰
卻杖何須藜火然
啣杯還作長鯨吸
興酣把筆詩思豪
包含雅故親風騷
元氣颯沓落紙濕
百態牢籠窮搜雕
靡哉間間紛嘖啞
細管繁音蚯蚓窟
朱絃奏罷回中聲
刊落浮漂反百舌
憶昔少日齒雁行
提攜歡劇相扶將
君年纔及三十強
我髮未燥行扶床
彈指韶光駒過隙
冀北燕南終歲客
經傳弟子餘青瑣

大雅堂初稟卷五

五

名在公卿復何益
酒酣斫地劍吐銛
中夜起舞神徬徨
撐霆裂月不稱意
勸君歸來返故鄉
寂寞西溪水嫩綠
披瓜瓢遶前老木
凌秋霜枝柯屈折
神昂藏曝背憩南榮
晚飯倚北廂
息機抱甕還吾素
何似糠粃隨簸揚
東風吹月月轉廊
地鑪茶熟梅蕊香
便欲從君解鷓鴣
飲且食兮壽而康

酬一峯

商飈吹梧葉
策策鳴階墀
青蒼落日遠
寒威動簾帷
有客款我扉
把臂正相思
山盤擷園蔬
漉酒脫巾幘
一酌月當頭
再酌風生腋
砌草尚餘妍
籬菊

猶可摘商確見古今脫略披肝膈

和儀九秋懷八首

畫堞霜寒露氣清風高鶴背正愁人離堂燈火秋
牕夢白雁丹楓夜有聲

咄咄書空繞露床百年身世兩茫茫探囊已笑枯
魚轍擁被重吟瘦馬行

簾捲西風酒一巵碧雲無信慰離思梁溪衰草靈
溪月倚遍關干十二時靈溪在今信陽

兩岫青山一葉舟大江千里日東流秋風廿載金
陵櫂羸得黃花洒白頭

大雅堂初稟卷五

六

自昔交遊數紀羣年來載酒更誰論飄殘舊雨征
鴻斷獨擁青綾慄不溫道即世杏程亦枚遠
卷詩文少有能定者

一聲遙度白雲鐘月到西南第幾峯正是漏寒眠
未穩更禁衰草咽疎蛩

學得屠龍意轉疎鋤犁磊塊欲教無只餘病骨嶙
嶒在他日窮泉未擬枯

岩影波光水木秋澹烟和露下虛樓何人夜按涼
州曲別作西風一段愁

漫興

繩床曲几夜涼侵瘦菊寒螿擁砌吟萬里秋風吹

大雅堂初稟卷六

辛巳

滄浪亭

一曲溪流靜千章夏木陰
雨餘山翠濕石古水痕
深吟賞自夙昔風流猶至今
孤亭煙靄暮曠望寄
瑤琴

幾度滄桑變依然林竹幽
寒衣紅磴滑高枕碧溪
流小閣涼於水輕陰颯似秋
舊遊如昨夢彈指白
盈頭

白門程鈴齋寫真

大雅堂初稟卷六

瑟瑟松風薜荔裳
亂書堆裏試糟床
前身合是陶弘景
坐聽雲和滿院涼
百尺樓高望眼遮
白雲深處客還家
一簾坐對瀟瀟雨
綠遍堦前護草花

亦眉寫真

梧桐老秋色
泉石靜巖姿
人意澹如此
詩懷耿自奇
黑貂憐久弊
紅豆幾相思
何日邱中隱
從君理釣絲

大理石短屏

緻似秋柳一
株根葉悉具

手把殘編老樹根
西風昨夜滿寒汀
秋懷搖落知

多少斜月鈎簾倚短屏

參差宮柳月痕輕
颯颯陂塘落漲平
記得白門風
兩夜晚烟憔悴一含情

壬午

王啟丹寫真

太原仲子江左秀文壇
卓犖精神抖玉腕
一感凡馬空餘子敢說
居王後君家兄弟雙
壁璋憶昨少日相提
將棣萼軒前雙桂下
酒闌听憤夜未央
我歌渭陽拍銅斗
絲竹滿堂促細粧
余與啟丹俱顧氏甥歲時會飲
輒演劇余兩
人未嘗不與唱于唱
喙樂復樂銀燈照
座花煌煌

大雅堂初稟卷六

二

雙丸跳擲奔泱泱
五十年間一反掌
雲烟變滅條有無
兩鬢今看雪霜上
與君握手憐君老
披圖對君君正少
龍門鬱鬱梧樹海
日欲上搏桑曉君
寫此圖曰朝陽高
柯碧葉鳴鸞鳳人
言君年過半百幾
時珮紫朝明光世
間萬事東流水得
鹿亡羊偶然耳一
米那復別雌雄兩
虫究竟誰滅否五
湖烟水吾老矣憐
君壯心猶未已鸞
斯倦翼依霜蓬君
才歷落高飛鴻看
君意氣飲君酒我
歌未必君意同快
語君當已我瘴急
走長鬚屬君和

題畫摩詰坐看雲起時意

白雲定何物靄靄生空天來從何處所既來還復
旋雲來滿岩石雲去杳無跡閒雲自去來空山作
主客雲石澹如此看雲者誰子得非綠毛翁試問
僊人祀

石浪菴用退之山石韻

植枒雲構壓翠微石浪排拶勢欲飛泓泉一脉萬

萬古鑿破窳窳流清肥

近山僧鑿石引泉供汲

林空鳥散靜

兀兀磳确細路來者稀芒鞋自昔厭喧攘絕境到
此忘朝饑黃緣蹭蹬苔齒折仰看石角出半扉緇
塵寂寂不到地但見竹木輕蒙霏湖波連天轉山
足衣帶墮地恰一圍山僧敲火烹雲腴飲我七碗
風添衣人生如夢如泡影嗟哉世網遭絆鞅迴頭
願聞第一義青山白拂吾其歸

和一峯石浪菴青字韻詩

團團明月度虛櫺颯颯松風帶月聽湖漲遠拖嵐
氣白春寒未放屐痕青半生落拓依長鏡一夕孤
吟寄短亭小閣紅闌看倚遍淺斟桑落暮雲停

石林精舍懷妙復上人

白雲一塢萬株松蓮社當年憶遠公正是春來好
晴景落花依舊滿東風

曾於詩境悟禪機，茆屋三間白板扉。
鴻爪已隨春雪盡，吟魂應伴夜濤飛。

水僊

力戰冰雪抽青芽，翠苞暗拆先春花。
銀臺金釵光激灑，獨立矯矯欺羣葩。
一勺清冷一卷石，天資綽約中幹直。
卻嫌草土氣不鮮，未甘雲露噓吹力。
白玉僊子一笑逢，得非謫墮蓬萊宮。
沅湘庾嶺相追蹤，彼亦僊者臭味同。
夜月虛牕春寂寂，倒屣正應君輩客。

枯橘

大雅堂初集卷六
四
迳前橘樹枝孤根，托瀟湘憶昔手植時。
離立如我長種之，三十載直幹凌青蒼。
朝日耀朱實，夕吹飛新涼。三五二八間，帶月紛簾床。
謂當數晨夕，何者忽摧藏。一物閱盛衰，三歎發慨慷。
不材終天年，吾服漆園莊。

春望

草色驚心沒燒痕，新篔簹酒荐瓢樽。
已看白髮三千丈，無那春風廿四番。
幾樹堊煙迷遠岫，一篙晴漲入孤村。
農桑亦有經綸在，犢背閒眠好細論。

寄清源吳城

風塵漂泊十年遲楚樹吳雲兩地思纔卸歸颿濤
八月忽驚分袂髻千絲清源以去年八月
引見便道還家關山北
去雲霄迥江漢西來日夜馳楊柳故園今又綠一
枝穩卧定何時

葉倬亭八十

金蓮玉樹擺琳琅企脚高吟枕石床定有元衣來
入夢鈿函珍重紫書方

五湖煙水碧冷冷縹緲峯高黛色青一騎蹇驢尋
壑去白雲深處老人星

初試松醪藥玉卮天桃細柳及芳時春風杖履探

大雅堂初稟卷六

五

消息記取坡翁七字詩

鶴髮鬚髻河上老伏火入頰顏正好和丹若用青
蓮花七十二朶挿晴昊

聞清源于役貴陽

垂老憐君會面稀那堪踪跡更多岐風沙此去八
千里客路關心十二時蠻嶺瘴深天共遠烏江春
到水還遲挂鞍何日松陽道好報歸期莫後期

夜

孤坐憑筵閣樽前醉復醒江湖雙鬢白風雨一燈
青身世憐箕斗榮枯問影形不堪愁絕處永夜語

簷鈴

蕭蕭林竹靜虛籟度鐘聲扶病連三月孤吟欲二
更誰將青白眼未辨短長繁世路看已醜浮生任

泛萍

工部人生反覆看已醜迺記醜而博之醜義訓衆註家多誤

題畫

插籬穿小逕雲磴逐門斜樹老深藏屋泉流淺映
沙白衣看倚杖趺坐似拈花蕭滅空林晚松風細
煮茶

送張琛試京兆

一片花飛處登樓送遠時扁舟從此去長日幾相

大雅堂初集卷六

六

思好待秋風勁遙憐雲路馳綠羅輕已剪報我莫
教遲

丁長儒客歸月夜小飲聊為短述

正及春歸候蓮花取次摧不堪塵事替差喜故人
回素月流寒影黃嬌撥暖醅白頭明鏡裏相對且
顏開

寒食會飲半谷限寒字

世界三千望眼寬倚樓遙憑碧欄干馬嘶原上春
泥暖人醉花前月露寒莫把浮雲閒品量好教清
思濯沈瀾

座中敬丹亦枚論詩南陽
卷千儀九講星學故云

朝來細看紅

牋濕顆顆明珠走玉盤

踏春

年年陌上花緩緩遊女度今人非昔人桃李無新
故人命不如花瞥眼傷遲暮顏老良足悲不老亦
何作讀花開花落兩無憑芒鞋且踏尋春路

十六日夜賞花王達陽齋中

無邊春色逐人來側幹敵枝玉雪堆最是清狂看
我輩正憐樽酒傍花開娟娟素魄仍員夜澹澹輕
陰欲滿苔如此風光應共惜不勞更鼓漫相催

次亦眉韻送吳一峯

大雅堂初臺卷六

七

春風習習楊柳枝暖絮晴絲紛欲墮離亭折柳送
遠行孤懷遠逐離人舸鏐也江湖一散人蹇拙自
笑無一可窮年息影抱空廬乘興扶筇臥潭沱都
將塵網付八還閒過隣院尋三朶白頭料理愁無
那剩有書囊與藥裹與君去住各參商泰岱之東
江之左夜月尊前孰唱酬青林鳥散撚髭坐一葉
漂流水際蘋我乘風耶風乘我去年歸擢蓉湖濱
喜見琴書安帖妥臨窗細意寫鷺羣仰屋孤吟嘲
飯顆尋樂軒前一訪君輕風講幄披婀娜清琴重
理調羽商濁酒頻傾澆磊砢談笑縱橫傾滿座譬

入涉宮沈沈夥偃鼠所得不願餘分飲細流腹已
果不信蛟龍蟄巖穴日抱明珠終困坷伶俜十載
知者誰此行定遇爨下火試看天駟超天衢莫以
青雲笑庸瑣

枯蘭

九畹盈芳蘭幽艷鄙羣卉栽培十載餘雲露滋灌
溉豈無桃李姿欣此臭味類我衰不自由偃蹇吁
可怪胡爾亦摧頹根株中路壞莪莸上蓬驛驛
邱中艾牛羊日夜侵未碍生機沛

書妙復上人詩彙後

大雅堂初葉卷六

八

遠公衣鉢竟誰傳清絕詩叅上乘禪鹿苑已教空
浩劫虎溪曾共擘吟牋寒泉出谷林初靜孤鶴一
聲月正圓蓮社百年殘彙在莫將文字認筌筌

送春

十日五日春風顛遊蜂飄絮舞醉筵一夜窗前吟
細雨元鳥卷翼蒼龍旋春光催去如急火樓頭脉
脉憐花妥強將詩句送春歸暗裏春光還餞我今
年送春去明年春復還年年春日春常在今人不
駐舊日顏寂寂輕塵栖露草人生安得百年好縱
令百年亦等閒拂衣君試看懷抱

蠡湖

溪雲千古意短檝蠡湖灣
夜月空歌扇春風憶珮
環綠搖原上柳青裊雨餘山
高嘯楓林晚荒村酒
旃閒

蘇舍蕩

扁舟空翠裏水闊路三叉
沙渚鷗方靜雲村柳半
遮幽居真自得卜宅便為家
抱膝吟春暮孤颿渡
口斜

訪儀九鷺湖

鷺湖千頃堆琉璃權歌泛入風
生漪前年去年與

大雅堂初稟卷六

九

君約我今踐約來如期愛君下帷窮四庫憐君閉
置車中婦雨聲孤館夜涼初春色故園風景暮掀
窗一笑褰君衣喜心倒極翻生疑怪君卻說我未
到座右已覺清風馳西窗剪燭燈花墮肝肺楂枒
快傾唾閒愁萬斛壘壁堅大叫樵床今暫破交遊
却數只二三臭味爾我同酸醎何時載酒空潭月
坐弄潺湲洗心骨

前碇浦氏園亭

一徑溪橋路茆堂帶石泉元精浮草木幽意薄雲
煙掃榻自清迥高風許接連追遊有此日勝賞已

